

1. **Zeničko-dobojski kanton, Ministarstvo za boračka pitanja**, koje po ovlaštenju Vlade Kantona zastupa ministar **Fahrudin Čolaković** (u daljem tekstu: Ministarstvo);
 2. **Zavod zdravstvenog osiguranja Zeničko-dobojskog kantona Zenica**, Bulevar kralja Tvrtka I 17, kojeg zastupa direktorica Mirzeta Subašić (u daljem tekstu: Zavod),
 3. **Otto Bock Adria d.o.o. Sarajevo** (naziv ponuđača), koga zastupa direktorica Mirjana Močević (u daljem tekstu- isporučilac),
- zaključili su u Zenici, dana 21.11.2016. godine,

UGOVOR

O isporuci invalidskih kolica - preklopiva

PREDMET UGOVORA

Član 1.

Predmet ovog ugovora je isporuka osam komada invalidskih kolica - preklopiva, za potrebe RVI paraplegičara ZDK (u daljem tekstu: roba), u skladu sa Odlukom o izboru najpovoljnijeg ponuđača broj: 13-37-4881-O5/16 od 07.10.2016.godine, i prihvaćenom ponudom broj: 4/16 od 02.10.2016.godine i koja je sastavni dio Ugovora.

CIJENA

Član 2.

Ugovorne strane su saglasne da kupoprodajna cijena robe iznosi 2.899,82 KM/kom, ukupno 23.198,57 KM (*Slovima: dvadesettriiljadestodevedesetosam konvertibilnih maraka i 57/100*).

Cijena je utvrđena na osnovu prihvaćene ponude iz člana 1. ovog Ugovora, i ne može se mijenjati.

U cijenu je uračunat porez na dodatnu vrijednost.

GARANCIJA KVALITETA

Član 3.

Isporučilac daje garantni rok za isporučenu robu u trajanju od **36 (slovima: tridesetšest) mjeseci**, počev od datuma isporuke, a prema uslovima garancije navedenim u granatnom listu. Isporučilac je obavezan voditi računa o garanciji kvaliteta ugovorene robe koju isporučuje i obavezuje se da preda garantne listove krajnjim korisnicima.

Reklamacije na kvalitet se mogu dati prilikom prijema robe, a ukoliko se radi o skrivenim manama, reklamacija se može dati u trenutku njenog otkrivanja.

Isporučilac se obavezuje da u garantnom roku, bez prava na posebnu naknadu, izvrši popravak svih nedostataka na isporučenoj robi. Ako se Isporučilac ne odazove pozivu i ne izvrši otklanjanje nedostataka u primjerenom roku, Ugovorni organ ima prvo angažovati drugog servisera na trošak Isporučioca.

ROK ISPORUKE

Član 4.

Isporučilac se obavezuje da robu isporuči u roku do 25 (slovima: dvadesetpet) dana od dana zaključivanja ovog Ugovora, a isti obuhvata i sve potrebne predradnje za nabavku robe.

Član 5.

Ukoliko Isporučilac ne isporuči robu u ugovorenom roku iz člana 3. Ugovora, Ministarstvo zadržava pravo naplate penala 0,1% dnevno od vrijednosti ponude za svaki dan kašnjenja.

Razlog za raskid Ugovora je ukoliko Isporučilac isporuči robu koja nije predmet Ugovora.

NAČIN I ROK PLAĆANJA

Član 6.

Ministarstvo i Zavod se obavezuju da izvrše plaćanje po dostavljenoj fakturi u rokovima propisanim Zakonom o obligacionim odnosima.

Plaćanje će se izvršiti na račun isporučioaca i to kako slijedi:

- Ministarstvo za boračka pitanja u iznosu od 2.326,72 KM po komadu (sa PDV-om), odnosno u ukupnom iznosu od 18.613,77 KM (*slovima: osamnaest hiljada šest stotina trinaest konvertibilnih maraka i 77/100*) i
- Zavod zdravstvenog osiguranja Zenica u visini od 573,10 KM po komadu (sa PDV-om), odnosno u ukupnom iznosu od 4.584,80 KM (*slovima: četiri hiljadest stotina osamdeset četiri konvertibilne marke i 80/100*), a ista je utvrđena u skladu sa važećim Cjenovnikom ortopedskih sprava i pomagala po jedinstvenoj listi pomagala, zubnoprotskih sredstava i endoproteza donešenim u skladu sa Odlukom o obimu prava na korištenje ortopedskih i drugih pomagala, zubnoprotske pomoći i zubnoprotskih nadomjetaka i endoproteza (Sl.novine ZDK 04/05).

OBAVEZE UGOVORNIH ORGANA

Član 7.

Obaveze Ministarstva:

- Dostaviti odmah sve potrebne podatke o krajnjem korisniku (adresa i telefon),
- Izvrši uručenje robe krajnjem korisniku u utvrđenom terminu. Ukoliko isto iz opravdanih razloga nije moguće, isporuku obavi na adresi stanovanja korisnika.
- Izvrši plaćanje u skladu sa članom 6. Ugovora.

Obaveze Zavoda:

- Izvršiti plaćanje za izvršenu isporuku na način i u roku kako je predviđeno članom 6. Ovog Ugovora.

Obaveze Isporučioca:

- Da u ugovorenom roku iz člana 4. ovog Ugovora izvrši isporuku robe, i na osnovu podataka o krajnjem korisniku koje će dati Ministarstvo izvrši pregled i mjerenje RVI paraplegičara i utvrdi opcije potrebnih invalidskih kolica, kao i da obavi podešavanja istih prema dijagnozi i tjelesnoj konstituciji korisnika, mjerenoj na adresi, odnosno u mjestu stanovanja krajnjeg korisnika.
- Pismeno obavijesti Ministarstvo da je roba spremna za isporuku,
- Izvrši isporuku robe na adresu Ministarstva,

- Original račun i potvrdu o izvršenoj isporuci dostavi Ministarstvu.

Troškovi prouzrokovani aktivnostima iz ovog člana, sadržani su u cijeni utvrđenoj u članu 2. ovog Ugovora.

ZAVRŠNE ODREDBE

Član 8.

Ovaj Ugovor se zaključuje na određeno vrijeme dok se ne izvrši isporuka robe u ugovorenom roku, a stupa na snagu danom potpisivanja.

Član 9.

Sve eventualne sporove ugovorne strane nastojat će riješiti sporazumom, a ukoliko to nije moguće ugovorne strane priznaju nadležnost Općinskog suda u Zenici.

Član 10.

Sve što nije regulisano ovim Ugovorom imaju se primjeniti odredbe Zakona o obligacionim odnosima.

Član 11.

Ovaj Ugovor sačinjen je u 6 (šest) istovjetnih primjeraka od kojih svaka strana zadržava po 3 (tri) primjerka za svoje potrebe.

Broj: 13-37-4881-U5/16

Broj: 01-37-11626

Broj: 319/16


Za Ministarstvo
za boračka pitanja



Za Zavod zdravstvenog
osiguranja ZDK



Za Otto Bock Adria d.o.o.
Sarajevo


2a Mirjana Močević
(direktor)

ottobock.
Otto Bock Adria d.o.o Sarajevo
Društvo za izradu ortopedskih pomagala
i trgovinu